




Maandelikse Bybel bespreking Stille nag

deur Andre Harmzen

Daar is verskeie verhale rondom die geskiedenis van “Stille Nacht”. Sommige vertel van muise wat die orrelblaasbalk verniel het, en hoe dit gelei het tot die skryf van die lied met kitaar begeleiding en koorsang; ander vertel hoe die jong priester skrywer die lied inderhaas moes skryf met die aanddiens. Ander vertel hoe hy inspirasie geneem het uit die omgewing op sy nagtelike wandeling na sy oupa se huis. Die realiteit is dat niemand weet wat Joseph Mohr geïnspireer het nie.

Stille Nag is ‘n poëtiese weergawe van Christus se geboorte. Op 24 Desember 1818 is ‘n lied gebore wat in die harte van mense sou voortleef. Joseph Mohr se vriend Franz Gruber het die kitaar melodie geskryf wat vandag steeds ‘n integrale deel van Kersfees regoor die wêreld is. Dit word gesing in honderde tale in kerke, katedrale en huise van Antwerpen en Rome tot Suid Afrika en die VK.

Die impak van Jesus se geboorte leef voort in ons. Stille nag! Heilige nag! Jesus kind lank verwag... Christus is waarlik Immanuel – God by jou, in elke oomblik.

Preek tema vir die maand KersGee

deur Andre Harmzen

Kersfees se herdenking het verskillende vorme aangeneem oor die jare.

Verskillende volke en dele van die wêreld vier hierdie fees op verskillende maniere. Dit is soms vreemd en soms interessant, maar die groter vraag is en bly – watter betekenis word gekoppel aan Kersfees.

Die engele, herders en wyse manne het elkeen iets anders gebring om aan die Koning te gee. Regdeur die eeue het mense hulself na Hom gebring – opreg en getrou aan hulle aard en behoefte.

Die geboorte van Jesus Christus, die Seun van God, ons Verlosser hou betekenis in vir ons, op verskeie vlakke. Die koms van ons Koning na ‘n stal in Betlehem blyk onverstaanbaar, maar die kern bly – God verstaan; God ken; God gee aan ons wat ons benodig fisies, emosioneel en geestelik.

Kersfees kom ons na die stal, want God gee. Kom as jouself, soos jy is met die goeie en die foute. Kom gee dit alles – jou hart, jou siel en jou verstand.





SA GEMEENTE
SA CONGREGATION

IN HIERDIE UITGAWE

OPERATION CHRISTMAS CHILD

KUIER IN LONDON

KERSFEES 2018

ADVENT AKTIWITEITE

KONTAK ONS



Operation Christmas Child

Ons gemeente is deel van die 'Operation Christmas Child' projek. Verlede jaar het ons 47 bokse gestuur, kom ons verdubbel dit die jaar!

'Operation Christmas Child' is die wêreld se grootste kinder kersprojek. Dit word bestuur deur 'n Christen ontwikkelde organisasie genoem 'Samaritan's Purse'. Hul missie is om God se liefde op 'n tasbare manier saam met die plaaslike kerke wêreldwyd na die kinders uit te dra.

Ons het skoenbokse by die Erediens uitgedeel. Daar is nog bokse beskikbaar- kontak vir Ena by die kerkkantoor. Onthou asb om 'n voubiljet te kry waarin al die inligting vervat is oor wat in die boks mag wees en wat nie. Die bokse kan vir verskillende ouderdomme asook vir seuns of dogters gepak word. Daar is ook 'n bedrag van £3 per boks betaalbaar wat aangewend word vir die verspreiding van die boks.

Idees vir die bokse....

Speelgoed: pop, karretjie, teddiebeertjie, bal, legkaart...

Skool benodigdhede: pen, potlood, notaboek, inkleurkryt en inkleurboek....

Higiëne: tandepaste en tandeborsel, kam, seep...

Ander: hoed, handskoene, serp, juwele...

Lekkergoed: Let asb op dat die verval datum eers in 2019 is.

Baie dankie vir elke boks wat ons gemeente hierdie jaar gaan stuur om 'n kinderhart bly te maak tydens die Kersgety.



SA GEMEENTE
SA CONGREGATION

Kuier in London.

Frikkie Greyling

Een van my Bedieninge by Agapé is om Ambassadeurs en Diplomate te besoek saam met Dr. Leary wat ons Christian Embassy bediening in London bedryf. In Junie 2018 is ons genooi om die nuwe ambassadeur van Suid Afrika te besoek in Suid-Afrika huis. Tydens ons gesprek het ek haar aan SA Gemeente bekend gestel. Sy was baie opgewonde hieroor en wou onmiddelik weet wanneer ek die Dominees aan haar kan kom voorstel.

Vrydag 2 November het die dag aangebreek en Ek, Ferdi Clasen en André Harmzen het saam met Dr. Leary en Laura Fells (een van die spanlede van Christian Embassy) vir haar gaan kuier. Ons het gesels oor 'n vennootskap tussen ons (SA Ambassade en SA Gemeente) waar ons die geleentheid het om uit te reik na die personeel in die ambassade asook hoe Sy SA Gemeente kan help. Dit was 'n God oomblik en ons sien baie uit oor hoe ons verhouding daar gaan groei en wie ons ook daar kan gaan raak leef. Bid asb vir ons vir God se wysheid vir die toekomstige aksie daar.

Andre

Andre Harmzen

Ons besoek aan die Suid-Afrikaanse Ambassade was besonders. Dit is 'n pragtige gebou met 'n interessante geskiedenis - en ons is met oop arms ontvang. Dit was 'n voorreg om die hoë Kommissaris te kon ontmoet en dit is verblydend om te sien met watter liefde en deernis sy haar taak hier in die VK aanpak. Op haar versoek het ons vir haar, die personeel en die taak voor hande gebid. Ons is dankbaar en opgewonde om te sien wat God inhou vir sy Gemeente deur hierdie vennootskap. Bid saam met ons vir insig, leiding en geskikte aksies soos nodig. 'n Goeie beginpunt is om as Gemeente opnuut te bid dat God die hoë Kommissaris, haar personeel, President Ramaphosa en Suid-Afrika sal bewaar en lei om God se Lig te laat skyn..





SA GEMEENTE
SA CONGREGATION

KALENDER

EREDIENSTE IN LOUGHTON KERSSANGDIENS 9 DESEMBER

EREDIENS
13 JANUARIE OM 9 UUR.

EREDIENS
27 JANUARIE OM 9 UUR.



Kerssangdiens 9 Desember.

Sondag 9 Desember vind SAG Loughton se KERSSANGDIENS plaas by LBC, 92 High road, Loughton, IG10 4QU om 9 uur.

By die spesiale Kerssangdiens is die fokus op sang en musiek. Ons musiekspan beloof om die oggend weer ekstra spesiaal te maak. Kom sing saam en loof die Heer. Bring asb jou kersboks saam vir Operation Christmas Child.

Na die Kerssangdiens word daar 'n vinger ete bedien. Nooi gerus jou vriende en familie en kom kuier saam.



SA GEMEENTE
SA CONGREGATION

Advent Aktiwiteite



*Maak Kers-
kaartjies vir die
Oupas en Oumas*



*Maak 'n Kers -
ornament*



*Skenk 'n blikkie
kos vir die
kosbank*



*Versier die
Kersboom*



*Maak papier
sneeuwlokkies*



*Bou 'n gemmer-
koekhuisie*

JOHANNES 3:16

*Want so lief het God die wêreld gehad, dat Hy sy eniggebore
Seun gegee het, sodat elkeen wat in Hom glo, nie verlore mag
gaan nie, maar die ewige lewe kan hê.*



*Gaan kyk
Kersliggies*



*Drink
warmsjokolade
met marshmallows*



*Kleur 'n
Kersprent in*



*Gaan uit vir 'n
Kersfees 'treat'*



*Skenk klere en
speelgoed*



*Maak 'n sneeuman
van marshmallows*



SA GEMEENTE
SA CONGREGATION

Advent Aktiwiteite



*Draai jou
onderwyser se
geskenk toe*



Bak kerskoekies



*Gooi kleingeld in
'n blikkie vir
liefdadigheid*



*Random act of
kindness day*



Sing Kersliedere



*Gaan stap in die
natuur*

*'n Geseënde Kersfees vir jou, jou gesin en geliefdes. Mag jou huis
gevul wees met omgee, jou hart met liefde en jou lewe met
vreugde. Mag die Nuwe Jaar vir julle seën, geluk en voorspoed
bring met kosbare herinneringe om te koester.*



*Los 'n
verrassing vir die
posman/vrou*



*Deel 5 'candy
canes' uit*



*Deel kerskoekies
met die bure*



*Bel Oupa en Ouma,
of ander familie*



*Lees Jesus se
geboorte verhaal*



*Neem 'n gesinsfoto
voor die Kersboom*



SA GEMEENTE
SA CONGREGATION

Kontak Andre Harmzen



Erediens Tye

Ons Eredienste is elke 2de en 4de
Sondag van die maand om 09:00
die oggend.

Adres

Baptist Church, 92 High Road,
Loughton, Essex, IG10 4QU
(Google Maps)

SA Gemeente Loughton Kerkkantoor
16 Baldocks Road
Theydon Bois
CM16 7EB

Epos: andre@sagemeente.com

Kontak Elmarie en Ena



Elmarie van der Westhuizen

Epos: oordwyk@sagemeente.com



Ena Wassermann

Epos: ena@sagemeente.com